

廿三日。雨，寒。致喻小冈、於桐轩、黄幼森三信。亦接寄禅一信，论诗极有会悟，录见各诗，皆清逸绝尘，楚僧无其匹也。又接子瀚、炳文、鹤九各信。

廿四日。致彭伯衡芍庭中丞世兄，及复炳文、鹤九信。亦接上海、两广赈捐局唐景星、徐雨之公信，经理局务者李朝覲也。亦接杨仙芸、罗赞卿二信，皆托求局务，各以一信辞之。蔡竹泉、蔡葆初过谈。

廿五日。大雨，雷，寒。复杨厚庵、俞鹤皋信。亦接杨子卿及翰舟、经笙各信。怡仲之妻求资怡仲回家。属子瀚函致左癸叟、唐鹤台二君为谋之。

廿六日。大雨，雷。（寄）〔接〕杨厚庵、苏紫溪、彭伯衡、曾澄侯、陈右铭、喻小冈。亦致盛锡吾一信，托转递喻小冈。又复汤肖安及翰舟各信，以肖安有信托荐王少云应周荔樵处教读，此时想早定局也。玉舲过谈，递到吴晴研、萧子远、唐桂生一信。

廿七日。雨，风，寒。致曾摯民、李次青、周（伍）〔桂〕塢三信，由桂塢专足带思南府署。接方翰卿驻广西归顺府防营、刘又愚、俞鹤皋、盛锡吾各信。刘又愚求致泸州夏淑轩观察及王壬叔二信，求盐务差使。正思致壬叔一信，可就便言之。用舟、咏民过谈。

廿八日。雨。接沈星海、俞鹤皋、欧阳子卿三信。亦复沈星海、俞鹤皋二信。鹤皋约魏俪辛来见，因病告缓数日。兼致朱禹田一信。龚果斋过谈。晚间黄子厚亦至，恰与鹤皋议延魏俪辛主讲仰高一席，转使多此一番周旋，甚觉不适。是日中丞甄别三书院。

廿九日。阴，寒甚。长日苦短，惟觉老景之逼人也。遣人诣吴云谷，仍以二月初赴岳州。枉承问疾，闻其乞假，相报问耳。

三十日。阴，寒。复欧阳子卿一信。子瀚、咏民见过久谈。